

Ufficio Stampa della Provincia autonoma di Trento  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

COMUNICATO n. 757 del 24/03/2026

Ma mage inngem di vorsch âhevante von 27 von abrèl sin atz 27 von madjo un von 26 von bimmat sin atz 26 von bintmånat

## Quartìarn pittnan zis boma mage auhaltn: di zaitn innzogebe di vorsch vorz djar 2026

[Cimbroy] Da soìn zboa di zaitn, auz pa djar 2026, boma bart mang inngem in vorsch zo haba zuargètt an quartìaro zalante an zis boma mage auhaltn: da earst iz von 27 von abrèl sin atz 27 von madjo, da zboate von 26 von bimmat sin atz 26 von bintmånat.

Ditza hatta auzgemacht da provintziàl Djunta in setz von 20 von lentz.

“Z iz a bichtegez maz vor in ünsar sistèm von politike vorz haus – dise di börtar von asesór vor di politike vorz haus, Simone Marchiori – bar haltn zo maga untarleng mearare quartìarn baz da vorgånate zait süachante zo rispundra asó in konkrèt in mångl vo häüsar bodada iz”.

Di quartìarn boma zalt an zis boma mage auhaltn soìn quartìarn vo ITEA S.p.A., boda khemmen gètt zo zis machante zaln eppaz mindar in sèlln famildje bodasan hãm rècht, un boda soìn arm un lem in quartìarn boda nèt gian guat.

Vo vert vort, di vorsch mochan khemmen inngètt lai online durch in portàl gehoazt “Khåmmar von pürgar” boma mage vennen afte websait von Toalkamòu odar von Etsch Tal (Kamòu vo Tria).

A bòtta azma sait inngånt berda åvorst mage seng garadebettane quartìarn ’z soinda boda mang khemmen vorzist un dar nummar (mearaste un mindarste) von laüt von khnopf familfja boda mang inngian in sèll quartìaro.

Azta nèt hettatn z’soinada quartìarn boda gian guat vor soi famildja, odar azta nèt soìn quartìarn boda interesàrn, makma auzvülln in formulàr online “meldn in voon noat” hèrta durch di Khåmmar von Pürgar un di istituzionàln portél.

Vorma inngètt in vorsch izta mångl zo haba di zertifikatziong ICEF boda zoaget da ekonòmische konditziong vodar famildja boda vorst in quartìaro.

Zo bizzasan mearar iz genumma gian afte websait:

<https://www.provincia.tn.it/Servizi/Servizi-offerti-da-altri-enti/Locazione-di-alloggio-a-canone-sostenibile>

Video von Prèss Àmt aftz disan [link](#)

Asesór Marchiori

<https://www.youtube.com/watch?v=hNJHkZBA6Vw>

Übarsetzt von Schaltarle vor di zung von Toalkamou vodar Zimbar Hoachebene

(cdt)